



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Protectio Monasterij S. Zenonis, per Ludouicum Ducem Bauariae.

urn:nbn:de:hbz:466:1-13591

Confirmatio Bonifacij Papæ VIII.

Bonifacius Episcopus seruus seruorum Dei, dilectis filiis Præposito & Conuentui Monasterij S. Zenonis in *Hallis*, per Præpositum soliti gubernari, ordinis S. *Augustini Saliburgensis* Diocœsis, salutem & apostolicam benedictionem. Cum à nobis petitur quod iustum est & honestum, tam vigor æquitatis quàm ordo exigat rationis, vt id per sollicitudinem officij nostri ad debitum perducat effectum. Eapropter dilecti in Domino filij, vestris iustis postulationibus, grato concurrentes assensu, omnes libertates & immunitates à prædecessoribus nostris Romanis Pontificibus, siue per priuilegia vel alias indulgentias vobis & Monasterio vestro concessas, nec non libertates & exemptiones secularium exactio- num à Regibus & Principibus, ac aliis Christi fidelibus rationabiliter vobis & monasterio prædicto indultas, sicut eas iuste & pacificè obtinetis, vobis & per vos eidem monasterio auctoritate apostolica confirmamus, & præsentis scripti patrocinio communimus. Nulli ergò omninò hominum liceat hanc paginam nostræ confirmationis infringere, vel ei ausu temerario contraire. Si quis autem hoc attemptare præsumpserit, indignationem omnipotentis Dei, & beatorum *Petri & Pauli* Apostolorum eius se nouerit incursum. Dat. *Lateran.* V. Calend. Martij. Pontificatus nostri anno sexto.

Confirmatio Urbani Papæ VI. omnium nostrorum bonorum.

Urbanus Episcopus seruus seruorum Dei, dilectis filiis Præposito & Conuentui Monasterij S. Zenonis extra muros oppidi *Reichenhallensis*, per Præpositum soliti gubernari, ordinis S. *Augustini Saliburgensis* Diocœsis, salutem & apostolicam benedictionem. Cum à nobis petitur quod iustum est & honestum tam vigor æquitatis, quàm ordo exigat rationis, vt id per sollicitudinem officij nostri ad debitum perducat effectum. Eapropter dilecti in Domino filij vestris iustis postulationibus grato concurrentes assensu personas vestras & monasterium de *Reichenhall* prædictum, in quo diuino estis obsequio mancipati, cum omnibus bonis quæ in præsentiarum rationabiliter possidetis, aut in futurum iustis modis præstante Domino poteritis adipisci, sub B. *Petri* protectione suscipimus atque nostra, omnesq; libertates & immunitates à prædecessoribus nostris Romanis Pontificibus, siue per priuilegia, vel alias indulgentias, vobis & monasterio vestro prædicto concessas, nec non libertates & exemptiones secularium exactio- num à Regibus & Principibus, vel aliis Christi fidelibus rationabiliter vobis & monasterio auctoritate apostolica confirmamus. Nulli ergò omninò hominum liceat hanc paginam nostræ protectionis & confirmationis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei & beatorum *Petri & Pauli* Apostolorum eius se nouerit incursum. Datum *Romæ* apud sanctum *Petrum*, V. Idus Decembris, Pontificatus nostri anno quarto.

Protectio Monasterij S. Zenonis, per Ludouicum Ducem *Bauariae*.

LUDOVICVS Dei gratia Comes Palatinus *Rheni* & Dux *Bauariae* &c. Iudici & vniuersis ciuibus in *Halle* gratiam suam & omne bonum. Notum esse volumus vestræ vniuersitati, quod nos Cœnobium sancti *Zenonis* apud *Halle* situm in nostram

nostram protectionem recepimus & defensionem, ut quicumque eandem Ecclesiam in bonis suis grauari presumpserit, nobis factum esse reputamus. Vestra ergo mandamus vniuersitati firmiter iniungentes, ut si quis hominum antedictum coenobium in redditibus suis grauet, vel molestare presumat, loco nostri defendatis. Decimam vero quam ipsis contulimus, officialibus nostris precipimus, ut eis primo de bonis nostris soluant, quicumque officialium nostrorum hoc neglexerit, nostram sentiet offensam & indignationem. Tibi vero iudici sub obtentu nostra beneuolentia precipimus, ut si apud te pro aliquo debito ipsis soluendo aliquam deposuerint quarimoniam, ipsi debitum exhibeas iustitiam & satisfactionem plenariam. Quod si non feceris, de nostra bona est voluntate & licentia, ut per diuina ipsos compellant ad soluendum.

Confirmatio omnium bonorum & priuilegiorum per

Martinum Papam V.

Martinus Episcopus seruus seruorum Dei, dilectis filiis Preposito & Conuentui Monasterij S. Zenonis extra muros oppidi *Reichenhalle*, per Praepositum soliti gubernari, ordinis S. Augustini *Salisburgensis* Diocesis, salutem & apostolicam benedictionem. Cum a nobis petitur quod iustum est & honestum tam vigor & iustitiam, quam ordo exigit rationis, ut id per sollicitudinem officij nostri ad debitum perducatur effectum. Eapropter dilecti in Domino filij vestri iustis postulationibus grato concurrentes assensu, omnes libertates & immunitates a predecessoribus nostris Romanis Pontificibus, siue per priuilegia, siue alias indulgentias, vobis & monasterio vestro concessas, nec non libertates & exemptiones secularium exactionum a Regibus & Principibus, vel alijs Christi fidelibus rationabiliter vobis & monasterio praedicto, sicut eas iuste & pacifice obtinetis, vobis & per vos eidem monasterio auctoritate apostolica confirmamus & praesentis scripti patrocinio communitimus. Nulli ergo omnino hominum liceat hanc paginam nostrae confirmationis & communicationis infringere, vel ei ausu temerario contraire. Si quis autem hoc attentare presumpserit, indignationem omnipotentis Dei & beatorum Petri & Pauli Apostolorum eius se noverit incursum. Datum *Rome* apud sanctos Apostolos, V. Idus Octobris, Pontificatus nostri anno vndecimo.

Confirmatio sanctissimi Domini nostri Alexandri Papae
priuilegiorum Monasterij.

Alexander Episcopus seruus seruorum Dei, dilectis filiis Praeposito & Conuentui Monasterij S. Zenonis prope oppidum *Reichenhall* per Praepositum soliti gubernari, ordinis S. Augustini *Salisburgensis* Diocesis salutem & apostolicam benedictionem. Cum a nobis petitur quod iustum est & honestum, tam vigor & iustitiam quam ordo exigit rationis, ut id per sollicitudinem officij nostri ad debitum perducatur effectum. Eapropter dilecti in Domino filij vestri iustis postulationibus, grato concurrentes assensu, personas vestras & locum in quo diuino estis obsequio mancipati, cum omnibus bonis quae in praesentiarum rationabiliter possidetis, aut in futurum iustis modis praesente Domino poteritis adipisci, sub B. Petri protectione suscipimus, atque nostra, omnes quoque libertates & immunitates a predecessoribus nostris Romanis Pontificibus, siue per priuilegia vel alia indulta vobis & Monasterio vestro concessas, nec non libertates & exemptiones secularium exactionum a Regibus & Principibus, ac alijs Christi fidelibus vobis & eidem monasterio rationabiliter indultas, specialiter autem

decimas